



**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. II. Jurisdictionem delegare quis possit?

[urn:nbn:de:hbz:466:1-61662](https://nbn-resolving.de/urn:nbn:de:hbz:466:1-61662)

465. Ex dictis consequens est, quod sicut Judex Ordinarius est, qui ex munere & officio proprio Jurisdictionem exercet; Delegatus vero, qui non ex officio proprio, sed ex commissione sibi facta & dato mandato: ita si forum accipiatur pro loco exercendarum litium, prout accipi diximus n. 2. Forum Delegationis sit tribunal vel locus, ubi Jurisdictione Delegata seu Mandata exercetur. Si vero Forum sumatur pro ipso Judicio juxta dicta n. 3. Forum Delegatum dicendum erit Judicium a Judice Delegato institutum. Si denique juxta dicta cit. n. 3. per Forum intelligatur ipsa Jurisdictione & judicandi potestas, eadem erit ejusdem definitio, quam modo Jurisdictionem mandatam descripsimus.

§. II.

Jurisdictionem delegare quis possit.

SUMMARIUM.

466. *Ordinarius Judex Jurisdictionem mandare potest, nisi a Lege vel Principe id ipsi specialiter sit vetitum.*
467. *Non tamen totum suum Officium absque consensu Superioris committere alteri.*
468. *Delegatus summi Principis subdelegare potest, tametsi ad unam tantum alteram ve causam determinatam sit delegatus, & non ad universitatem.*
469. *Nisi sit electa personae industria.*
470. *Ex eo solum, quod Delegatus jussus est personaliter exequi negotium, non censetur electa personae industria.*
471. *Subdelegatus non potest subdelegare.*
472. *Delegatus ab alio, quam a Principe, subdelegare nequit.*
473. *Nisi sit delegatus Proconsulis, aut Legati a latere.*
474. *Aut delegatus ad universitatem causarum.*
475. *Jurisdictione ratione Dignitatis aut Officij delegata in genere, potest in certis casibus subdelegari.*

476.

476. *Delegatus Ordinarij Principe inferioris de Jure non potest subdelegare, tametsi à Delegante id ipsi concedatur.*

477. 478. *Respondetur ad opposita.*

479. *Contrarium praxi receptum est.*

480. *Potest quivis Delegatus actum non jurisdictionalem alteri committere.*

466. Ad quæstionem, quis delegare Jurisdictionem possit, sic respondet Julian. *L. 5. ff. de Jurisdict. More Majorum ita comparatum est, ut is demum Jurisdictionem mandare possit, qui eam suo jure, non alieno beneficio haberet, id est, qui Ordinariam & non Mandatam Jurisdictionem haberet.* Ita pariter respondet Ulpian. *L. solet 16. § 5. L. Prætor 17. ff. eod.* Quia videlicet potest quis per alium, quod potest facere per se ipsum. *reg. Jur. 68. in 6. Concordat* textus. *C. Cum Episcopus 7. V. per se vel per alium de Offic. Judic. Ord. in 6.* Ut adeò Judex omnis Ordinarius suam Jurisdictionem alteri mandare possit; nisi vel à Lege vel à Principe id ipsi specialiter vetitum sit. Neque enim verum est, quod Fachin. ait *L. 1. Controvers. c. 45.* majoribus duntaxat Magistratis delegandi potestatem tributam esse *L. Cum Prætor 12. ff. de Judic.* Ibi enim Proconsul, Legatus, Præfectus Urbi, aliisque Romæ Magistratus tantum exempli causâ ponuntur, neque vel ibi vel alibi Magistratus illis expressis minores excluduntur. Oportet tamen, ut qui delegat, actu Jurisdictionem Ordinariam ipse habeat. Hinc cùm Proconsul, vel Legatus, Jurisdictionem, antequam Provinciam ingrediatur, non habeat, eam ante ingressum mandare nequit. *Est enim per quam absurdum* (ut ait Ulpian. *L. Observare 4. §. 6. ff. de Officio Proconsul.*) *antequam jurisdictionem ipse nanciscatur* (neque enim prius ei competit, quam in eam Provinciam venerit) *alię eam mandare, quam non habeat.*

467. Sed nec ipse Judex Ordinarius Principe inferior totam suam Jurisdictionem alteri delegare, seu totum suum officium committere potest absque consensu SS. Pontificis alteriusve supremi Principis. *L. penult. ff. de Offic. Præsid. Alexand. in L. A*

B bb 2

Judice

*Judice C. de Judic. n. 8. & Jason ibid. n. 8. Felin. in C. super qua-
stionum §. si verò de Offic. & potest. Judic. Deleg. Tum quia com-
mittendo totam suam Jurisdictionem, non tam censeretur eam
mandare, quām omnino abdicare: quod sine consensu Principis
non potest. L. penult. junct. Gloss. V. Abdicando ff. de Offic. Pra-
sid. Tum quia hac ratione Judicem alium Ordinarium consti-
tueret: quod tamen est inter regalia Principum, ut constat ex
L. 2. Feudor. tit. 56. quæ sint regalia c. un. ubi inter regalia Prin-
cipi reservata enumeratur potestas constituendorum Magistra-
tuum ad Justitiam expediendam.*

468. Sed dubium jam est, an sicut Ordinarius, ita & Dele-
gatus Judex delegare, seu potius subdelegare possit. Dicen-
dum est: Delegatus à Principe subdelegare potest. Ita habetur
C. ult. prin. de Offic. & potest. Judic. Deleg. & L. 5. C. de Judic.
ibi: à Judice Judex delegatus Judicis dandi potestatem non habet,
cum ipse judiciario munere fungatur: nisi à Principe Judex datus
fuerit. Ubi per Principem intelligitur Supremus, seu alius Su-
periorem non habens, uti SS. Pontifex, Imperator, Reges, Re-
publicæ liberæ, neminique subjectæ: non autem Principes in-
feriores, uti observant Glossa in *C. super quæstionum de Offic.* &
potest. Judic. Deleg. V. Delegare, ac passim DD. Rationem dant:
quia supremi Principis Delegatus seu Commissarius, in causa sibi
commissa major est quolibet Ordinario. *C. Sanè quia nos 11. eod.*
& C. Cum contingat 24. de Rescript. Ordinarius autem subde-
legare potest. *L. un. C. qui pro sua jurisdicț. L. More majorum s.*
ff. de Jurisdicț. Idem ergo poterit Commissarius supremi Princi-
pis. Hanc assertionem Scipio Gentilis *Tract. de Jurisdicț. L. 2.*
c. 13. & Bocerus eod. tract. c. 6. n. 31. v. Hæc tamen, eosolum
casu admittunt, quo Princeps universitatem causarum quodam
in territorio sive districtu alicui commisit. Verùm cùm nec Le-
gem aliquam aut Canonem, nec congruam rationem hujus suæ
limitationis afferant, absolutè tenendum est, posse Delegatum su-
premi Principis causam sibi commissam subdelegare, cùm cit. C.
ult.

ult. & L. s. universim loquantur, nec discrimen faciant inter Delegatum ad universitatem causarum, aut unam duntaxat alteram ve causam determinatam.

469. Unus igitur tantum casus excipiens est, quo etiam summi Principis Delegatus subdelegare non potest, quando videlicet electa fuit personae industria. *C. si pro debilitate 3. & C. ult. de Offic. Et potest. Judic. Deleg.* Quandonam personae industria electa sit, colligi debet ex verbis delegationis, vel qualitate causae delegatae, ut si sit ex illis, quae Principi in signum supremae potestatis reservatae sunt. Quod si Pontifex Delegato committat, ut certae alicui personae provideat dealiquo Beneficio in aliqua Ecclesia, Dioecesi, vel Provincia, non censetur electa industria personae: secus, si jubeat provideri alicui personae incertae. Ita habetur *C. Is, cui 12. de Offic. Et potest. Judic. Deleg. in 6.* Ex quo infert Dominus quod si testator executores constitutus, quorum arbitrio & electione legata inter pauperes distribuantur, non possint isti mandatum hoc seu fideicommissum per alios exequi, cum censeatur ipsorum industria & discretio electa. Secus autem, si ipsem testator certos pauperes aut pias Communitates, vel Ecclesias nominavit, quibus legata dari debeant.

470. At dubium restat, an censeatur electa personae industria, quando Princeps mandavit, ut Delegatus personaliter negotium exequatur. Videtur absque dubio afferendum esse, in tali casu censeri debere electam esse personae industriam: quam enim aliam ob causam præcipiat Princeps, ut ipse Delegatus personaliter negotium exequatur, nisi quia specialiter confidit ejus fidei & industria? Respondet nihilominus Pontifex *C. ult. eod. §. Is autem*, posse causam consentientibus partibus alteri subdelegari: præterquam si mandatum sit, ut inquisitio aliqua fiat, vel Ecclesijs provideatur de Prælatis aliisque Ministris: tunc enim censetur singulariter electa industria ac fides personae, cui fit commissio. Cur autem seclusis his duobus casibus possit Delegatus summi Principis de consensu partium subdelegare, ratio est: quia

B. b. 3.

clausula

clausula illa, ut personaliter exequatur, in favorem partium adjecta est. At si clausula aut conditio commissioni adjecta est in favorem partium, harum consensu expresso vel tacito recedi ab ea potest, ut constat ex cit. §. Is autem, & dixi suprà n. 461. Si autem illa ob publicam utilitatem adjecta sit, tum locum habet regula, quòd forma Rescripti exactè servari debeat: alioquin acta sint irrita. C. Venerabili 37. de Offic. & potest. Judic. Deleg. C. cum dilecta 22. de Rescript.

471. Cùm verò supremi Principis Delegatus causam, ut modo dictum est, subdelegare possit, quæstio est, an pariter subdelegatus subdelegare possit. Respondetur, non posse. arg. C. super quæstionum 27. §. si verò de Offic. & potest. Judic. Deleg. Tametsi verò jurisdictionem alteri committere nequeat, poterit tamen nudum ministerium, v. g. absolvendi, absque cognitione causæ subdelegare, ut cum Navarro c. 27. Manual. n. 45. observat Laym. in C. ult. de Offic. Judic. Ordin. c. 4. Dummodo ipse subdelegans Jurisdictione aliqua præditus sit, & non nudum ipsi ministerium commissum ad absolvendum, dispensandum &c. Id enim plerumque personaliter ipse exequi, & non alteri delegare debet, ut constat ex C. ult. de Offic. & potest. Judic. Deleg. §. Ceterum, ac notant Glossa fin. in cit. C. ult. de Offic. Judic. ordin. Innocent. & Joann. Andr. n. 3. ac Imola n. 2.

472. Posse delegatum summi Principis causam sibi delegatam subdelegare, hactenus dictum est. An idem possit Delegatus aliis, nunc statuendum est. Non posse, deciditur L. More 5. ff. de Judic. L. A Judice 5. C. eod. C. cum causam de Appellat. ex quibus Juribus regula generalis traditur, quòd delegatus ab alio, quàm à Principe, subdelegare non possit. Ratio est: quia Delegatus non habet plus juris, quàm ipsi mandatum sit; est autem ipsi mandata solum jurisdictione, seu ut eam exerceat. Exercere verò jurisdictionem ac alij exercendam committere, diversa sunt, nec unum involvit alterum; ergò commisso uno non committitur & alterum. Accedit, quòd bonum publicum ac privatum

tum litigantium exigebat, ut non cuivis Delegato licitū esset mandatam sibi jurisdictionem alteri mandare, quod multi Delegati vel laboris tādio, vel declinandæ invidiæ causā facturi essent, substituto sēpè parūm perito aut æquo Judice.

473. Verūm hæc quoque regula suas limitationes patitur. Nam juxta Baldum *in cit. L. A Judice ac Glossam ibid. V. sed & contra*, ac alios, Delegatus Proconsulis subdelegare potest. *arg. L. Legatus 12. ff. de Offic. Proconsul.* Ex quo DD. cum eodem Baldo inferunt; quòd delegatus à Legato à Latere subdelegare possit: quia Legatus à Latere, dum in Provincia est, Proconsuli comparatur. *C. 2. de Offic. Legati in 6.* Sed huic assertioni non immeritò refragantur Glossa *in cit. L. Legatus sol. 3. Felin. in C. 3. de Offic. & potest. Judic. Deleg. col. 1.* Decius *ibid.* ac alij. Ad *cit. L. Legatus*, ubi asseritur, Legatum mandata sibi jurisdictione Judicis dandi jus habere, responderi potest, ideo Legatum Proconsulis unam alterāmve causam subdelegare, quia est delegatus ad universitatem causarum: quod fieri posse à delegato ad universitatem causarum, mox dicemus. Ex quo non sequitur, quòd sicui à Proconsule vel Legato à Latere una causa commissa sit, is subdelegare possit.

474. Altera exceptio est, quòd si quis etiam ab inferiore Judice & Principe non supremo, delegatus sit ad universitatem causarum, unam vel plures causas in particulari, committere alteri possit: quia censetur veluti Ordinariam Jurisdictionem habere. Ita sumitur ex *L. 1. §. Ab eo ff. Quis & à quo appelletur*, traditique communissima DD. apud Sanchez *L. 1. de Matrim. disp. 31. n. 2.* Sed totam universitatem causarum alterimandare non potest, cùm, ut paulò antè dictum est, officium totum, munusque sibi commissum, nemo in alterum conjicere possit, absque Juris, vel Principis licentia. Cæterūm ad universitatem causarum delegatus dicitur is, cui non una vel plures causæ particulares, sed omnes, saltem in aliquo genere, v. g. Mutui, Decimarum, Matrimonij, commissæ sunt: quamvis restrictio fo-

ret

ret ad certum locum aut tempus, v. g. ut intra hoc territorium, aut intra annum omnes Mutui controversias decidat. Quod si causae restringantur ad certas personas, & particulares controversias, quæ sunt v. g. inter Titium & Cajum, non generalis, sed particularis delegatio erit, ut cum Baldo ac alijs observat Sanchez cit. disp. 31. n. 4.

475. Ex modo dictis consequens est, quod si Episcopus Decano Rurali, vel Superiori Regularium Locali Generalis vel Provincialis, deleget facultatem absolvendi à peccatis reservatis, dispensandi &c. idque ratione Dignitatis vel Officij, ita ut talis Jurisdictio delegata sit velut Ordinaria, ac ad Successorem transeat, is hanc facultatem in certis casibus alteri delegare possit. C. ult. junct. Glos. V. Casibus de Offic. Judic. Ordin. & notat Navarr. in *Manuali c. 27. n. 45.* Secundus, si concessa fuerit illa facultas solum ut privilegium personale, propter industriam ac peritiam Delegati, aut specialem Delegantis in ipsum favorem: subdelegare enim tunc nequit, cum sit jus specialiter concessum persona. Ex quo ulterius consequens est, quod Cooperatores Parochorum, quibus delegata est facultas absolvendi à peccatis, assistendi Matrimonij &c. alteri committere eam nequeant absque speciali consensu Ordinarij: propterea quod hujusmodi facultates non ratione Officij, sed mere delegato & commisso jure ipsis competant. Neque delegatus ad universitatem causarum subdelegare potest, nisi ratione delegationis sibi factæ censeatur Officium velut ordinarium habere: quod de Cooperatoribus, suam operam veluti locantibus Parocho præsenti, dici non potest. Præterquam quod facultas subdelegandi, quam delegatis ad universitatem causarum competere modo dixi, ex Jure, vel Consuetudine vim Juris habente, provenire debet. Consuetudo autem Ecclesiarum non fert, ut Cooperatores Parochorum sine eorum præsentium consensu alicui eam potestatem committant. Non ignoro, contrarium quoad Matrimonium teneri à Sanchez i. c. n. 21.

u. 21. Sed quod dixi, satis evincividetur ex Trident. *sess. 24. c. 1. de Reform. Matrim.*

476. Tertiam exceptionem faciunt Bartol. Alberic. Fulgoſ. Alexand. Zafius, aliique non pauci in *L. More* 5. ff. *de Jurisdict.* nec non *Gloss. in C. Is cui* 12. *de Offic.* & potest. *Judic. Deleg.* in 6. *V. per alium*, Panorm. in *C. cum causam* 62. *de Appellat.* n. 4. *Silvest. V. Delegatus* q. 8. dicto 3. aliique complures, quos refert & sequitur Sanchez l. c. n. 7. ajuntque, posse cujuscunque *Judicis Delegatum* subdelegare, si hoc ipsi concessum fuerit à delegante, tametsi non sit delegatus ad universitatem causarum. Verum dicendum est cum Archidiacono in *C. quamvis de Offic.* & potest. *Judic. Deleg.* in 6. Cardin. Zabarella in *Clement.* 1. eod. Molina *Tract. 5. de Justit. disp. 15. n 4.* Fachin. *L. 1. Controvers.* c. 45. ac alijs, non posse inferiorem Principe hanc subdelegandi potestatem concedere. Ratio est: quia *Judicem* dandi & subdelegandi potestas nemini competit, nisi cui à Lege vel Principe id concessum est: atqui eam potestatem Leges non dederunt *Judicibus* Principe inferioribus, sed potius negarunt, uti patet ex cit. *L. More* 5. ff. *de Judic.* cit. *L. A Judice C. eod.* & cit. *L. Cum causam.*

477. Neque obstat textus *C. 18. de Sent.* & *re judic.* ubi refertur subdelegatio facta ab eo, qui solùm erat delegatus ad causam particularem: nec illa subdelegatio improbat. Nam respondetur: tametsi non reprobetur, nec tamen approbat. Rationem, cur nullitatis non fuerit facta mentio, assignant Interpp. quia de nullitate delegationis non erat ibi quæstio, neque de illa à partibus aliquid fuit motum, ipsaque causa per appellacionem jam fuerat devoluta ad Curiam Romanam, & nihil amplius ab illa delegatione dependebat.

478. Pariter non obstat, quam hīc faciunt, paritas cum Procuratore, qui accepta facultate substituendi, alium validè substi- tuere potest. Idcirco enim mandans dare eam facultatem Procuratori potest, quia agit rem suam privatam, cui potest pro ar-

C cc

bitrio

bitrio præjudicare. At verò delegans agit causam publicam & nomine Principis vel Reipublicæ, & idcirco plus non potest, quam Jura ipsi indulgent.

479. Verum quia contraria opinio praxi recepta est, ut testatur Glossa *in cit. C. Is cui.* quod videlicet Episcopi frequenter causas committant cum clausula *per te vel per alium:* idcirco Dominic. *in cit. C. Is cui in fine,* Felin. *in C. super questionum 27.* §. *si verò de Offic. & potest. Judic. Deleg. n. 18.* Laymannus *ibid. n. 10.* ac alij asserunt, quod licet inferior Principe committere non possit suo Delegato facultatem subdelegandi, possit tamen facultatem ipsi concedere, ut subdelegeget nomine ipsius Ordinarij delegantis. Ut adeò tertius seu subdelegatus non accipiat jurisdictionem à secundo seu delegato, sed à primo, id est, Ordinario delegante. Qua de causa, ut ajunt, si appellatur à subdelegato, non ad Delegatum, sed ad Delegantem appellandum erit. Sed non apparet, quid intersit inter hunc subdelegandi modum, & illum alterum, de quo initio *n. 476.* nec minor jurisdictione exercetur in uno quam in altero, ac utrimque evertitur illa regula, quod delegatus à Judice, qui est Principe inferior, subdelegare nequeat. Cæterum ex citata praxi consequens est, quod licet Cooperatores Parochorum alteri facultatem audiendi Confessiones committere non possint, ut diximus paulò ante *n. 475.* quia potestas absolvendi ipsis concessa est, non item potestas delegandi, ut notat Suar. p. 3. tom. 4. disp. 26. sect. 1. n. 4. possit nihilominus Parochus suo Cooperatori mandare, ut si v. g. in hac sua Ecclesia, ad quam ipsum mittit, confitentium copia requirat, quemcumque approbatum Sacerdotem nomine ipsius Parochi constituat ad Confessiones ibi excipiendas.

480. Quartò demum, tametsi Delegatus à non Principe alteri causam vel articulum causæ jurisdictionalem subdelegare nequeat, poterit tamen committere articulum non jurisdictionalem. Ita Maranta *in Speculo p. 4. dist. 5. n. 50.* cum Alexand. & P. norm. *in C. cum super de Offic. & potest. Judic. Deleg. & sumitur*

ex